



partii naleraq

UKA2015/139
10.november 2015

Sumiiffinni nunami aalajangersimasuni nunaminertanik atuinissamut akuersissuteqarluni takornariartitsisarneq Inatsisartut inatsisaannik nr. 19, 3. december 2012-meersumik tunngaveqartoq pillugu apequteqaat aallaavigalugu Inatsisartut oqallinnissaannik siunnersuut.
(Inatsisartunut ilaasortaq – Vivian Motzfeldt, Siumut)

Inatsisartunut ilaasortaq Vivian Motzfeldt Siumut Inatsisartunut oqallisissiamik siunnersuuteqarpoq sumiiffinni nunami takornariartitsinermut nunaminertanik atuinissamik tassalu piunasaqaatit nunaqavissuunissamik piunasaqaatit sakkortunerulernissaat pillugu oqallissaarutigineqartoq saqqummiussaqaarfigissavarput.

Nunaqarpugut nunarsuarmi qeqertat annersaanni pinngortitami peqqarniissinnaasumi aammalu alutornarluinnartumi taamaattumik takornariartitsinermi atorluassallugu amerlasuunillu tikeraarneqartarnissaanut pitsaasumik aqutissiussinissarput pingaaruteqartoq Partii Naleqqamiit oqaatigerusupparput.

Nunatsinni takornariartitsinikkut periarfissat aningaasarsiornikkut nunatsinnut innuttaasunullu pitsaasuunissaat annertunerpaamillu iluanaarfiunissaat Partii Naleqqamiit pingaartilluinnarippat oqaatigissavarput.

Takornariartitsinermi nunamik atuinermi malittarisassanik nunaqavissunut salliutitsinissamik aammalu annertunerpaamik nunaqavissunik sulisoqarlunilu ingerlatsisoqarnissaa kissaatigissallugu pissusissamisoormat Naalakkersuisut suliaralugu aallartittariaqarpat.

Aningaasarsiornikkut nukittunerulissagutta suliffissallu amerlasuut pilersinneqassappata takornarissat pitsaasumik inuusaatitsinnik misigisaqarnissaat suliarilluartariaqarparput.

Piniartitsinerit aalisartitsinerillu piniarnermik inuussutissarsiutigalugu allagartalinnik ingerlanneqarnissaata qulakkeerneqarnissaa isumaliutigilluariaqarparput, piniagassat piniartitsinermi pisassiissutigineqartartut maani nunaqavissunik ingerlanneqartariaqartut aammalu piniarnermut allagartaliinnarnik piniartitsisoqartariaqartoq Partii Naleqqamiit isumaqarlunarpugut aningaasammi pisuussutigullu maani annertunerpaamik innuttaasunik iluaqutigineqarnissaat piunasarissallugu tupigineqarsinnaanngilaq.

Pinngortitami innarliasumi najugaqarpugut taamaattumik aamma atuinerput mianerilluinnarlugu ingerlanneqartariaqartoq oqqatigerusupparput, avatangiisigut nuna naasut eqaloqarfiit piniagassallu isumannaatsumik nakkutigineqarlutik mingutinneqaratillu atorneqarnissaat paarilluarneqarnissaallu kissaatigaarput.

Piniariartarfiit eqalunniartarfiillu takonarissanut atugassanngortinneqarnissaat pissappat nunaqavissut atuinerat innarlerneqassanngilluinnartoq Partii Naleqqamiit piumassarissallugu oqaatiginiarparput.

Kinguariit ukiorpassuarni eqaloqarfinnik paarsiuarsimasut innimineqarluinnarnissaat kissaatigaarput, eqaloqarfinnik allanillu piniarfiusinnaasunik takonarissanut atuisoqassappat nunaqavissunik annerusunik atorneqanngitsunik aatsaat atugassanngortitsilluni neqeroortoqartassasoq Partii Naleqqamiit piumasarigipput oqaatigissavarput.

Ilanngullugu takonariartitsisartunut kaammattuutiginiarparput maani takonariartitsinermi ingerlassaminni sapinngisamik amerlanerpaanik nunaqavissunik kiisalu inuussutissanik atuinerminni nunap inuunik pisuussutaanillu annertunerpaamik atuinissartik eqqumaffigeqqullugu

Ilaatigut oqallissaarisup oqaatigisai nunat allamiut takonariartitsisartut suna tamaat namminneq nassarlugu takonarissanik angallasiartortartut nunatsinnut annerusumik iluanarutaanngitsumik uffalu nunamik atuilutik tamakkua aningaasanik maanga qimatsinissaannut periarfissat nunamillu atuinerrannut akiliuteqartitsisarnissat eqqarsaatigilluartariaqalerpagut nunarpummi iluanaarniarfittut atorunikku pissusissamisoormat aningaasanik maanga aamma nunamut inuinullu qimatsinissaat.

Hans Enoksen